





**ЯКЯФИСТ**  
**СВЯТОЙ ПРАВЕДНОЙ БЛАЖЕННОЙ**  
**МАТРОНЕ МОСКОВСКОЙ**



**АКАФИСТ**  
**СВЯТОЙ ПРАВЕДНОЙ БЛАЖЕННОЙ**  
**Матроне Московской**



Болгар



## АКЯФИСЪ СВЯТОЙ ПРАВЪДНОЙ БЛАЖЕННОЙ МАТРОНЕ МОСКОВСКОЙ

### *Кондак 1*

Избрáнная Духом Бóжиим от пелён младёнческих, блажénная старíце Матрóно, слепотú и нéмощь телéсную ко очищénнию духóвному от Бóга прия́вшая, даром прозрénия и чудес обогатíлася есí и венцём нетлénным от Гóспода украсíлася есí. Сегó рáди и мы благодарне венéц похвáльный приносим ти, вопиюще:

Рáдуйся, праведная мáти Матрóно, тёплая о нас к Бóгу молíтвеннице.

### Икос 1

Ангел во плóти явíлася есí на землí, Матрóно блажénная, исполняющи волю Бóжию. Аще рождество твоё в слепотé телéсней бысть, но Госпóдь, умудряяй слепщý и любяяй



пра́ведныя, просвети́ духо́вней о́чи твои́, да послужи́ши лю́дем и дела́ Бо́жии явятся́ чрез тебе́. Мы же с любо́вию вопи́ем ти тако́вая:

Радуйся, от младе́нчества Бо́гом избра́нная; радуйся, благода́тию Ду́ха Свята́го от пеле́н осенённая.

Радуйся, да́ром чуде́с измла́да обогащённая; радуйся, премудро́стию от Бо́га свы́ше исполненная.

Радуйся, мы́сленныма о́чима во́лю Бо́жию прозира́ющая; радуйся, слепотствующи́х умом́ мудрецо́в ве́ка се́го посрамля́ющая.

Радуйся, ду́ши заблуждши́я к Бо́гу приводя́щая; радуйся, ско́рби и печа́ли утоля́ющая.

Радуйся, пра́ведная ма́ти Матро́но, тёплая о нас Бо́гу моли́твеннице.

### *Кондак 2*

Ви́дяще лю́дие и иере́й, егда́ крещáше ты, блаже́нная, чу́дный столп о́блачный над главо́ю твоёю и обоня́вше благоухáние ве́-



лие, дивляхуся, что ўбо сия отроковица  
будет, поюще Богу: Аллилуиа.

## Икос 2

Разум имѣя просвѣщенный, иерей Божий  
Василий познѣ, яко крещаемая от него сосуд  
благодати Божия есть, и ты, праведная Мат-  
роно, откровицу святу нарече. От нашего же  
усердия приносим ти похвалы сия:

Радуйся, во святѣй купели благодатию  
Святаго Духа облагоуханная; радуйся,  
на персех твоих крест запечатленный  
имѣвшая.

Радуйся, молитвеннице, от Бога людем  
дарованная; радуйся, свеще неугасимая,  
пред Господем сияющая.

Радуйся, даром чудотворения от Бога  
прославленная на земли; радуйся, вен-  
цем неувядаемым от Господа увен-  
чанная на Небеси.

Радуйся, милости Божия грешным  
возвещающая; радуйся, от источника  
воды живыя жаждущия напаяющая.



Радуйся, праведная мѣти Матроно, теплая о нас Богу молитвеннице.

### *Кондак 3*

Силу Божия благодати ощущаючи, еще во младенчестве сущи, Матроно блаженная, ко иконам святым устремлялася еси, и чистым сердцем и младенческими усты хвалу Богу возглашала еси: Аллилуиа.

### *Икос 3*

Имуще от Бога дар прозрения издетска, блаженная мѣти, сокровенная сердец приходящих к тебе ведущи, и оным будущая, яко настоящая, сказующи, многия люди на путь благочестия направляла еси. Темже прославляюще Бога, умудряющаго слепцы, вопием тебе сице:

Радуйся, дивная провидице; радуйся, сокровенных грехов обличительнице.

Радуйся, помраченных душею пресветлая наставнице; радуйся, заблудших милостивая путеводительнице.



Радуйся, звездó, вёрным путь указу́ю-  
щая; радуйся, свещé, во тьме вéка сегó  
светя́щая.

Радуйся, еди́ному Бо́гу послужившая;  
радуйся, ко́зни диáвольския благода́тию  
Ду́ха Свята́го попра́вшая.

Радуйся, пра́ведная ма́ти Матро́но, тёплая  
о нас Бо́гу моли́твеннице.

#### *Кондак 4*

Бу́ря недоуме́ния и смяте́ния о чудесе́х  
твои́х в лю́дех разве́ся, ма́ти блаже́нная,  
и тии, вразуми́вшу их Го́споду, дивному во  
святы́х Свои́х, просла́виша и восхвали́ша тя,  
Бо́гу же с благодарéнием воспéша: Аллилу́иа.

#### **Икос 4**

Слы́шавше лю́дие, ма́ти Матро́но, я́ко  
по́мощь в недúзех душе́вных и телéсных  
подаéши, прихожда́ху к тебе́ со упова́нием, и,  
совéт благоприя́тен и исцелéние получи́вше,  
благодаря́ще Бо́га, воспева́ху тебе́:

Радуйся, я́ко болéзнующих и стра́ж-



дующих душею приѣмлеши; радуйся, яко мир душам скорбящим даруеши.

Радуйся, в заблуждениих сущих вразумительнице; радуйся, благочестия учительнице.

Радуйся, печалей наших утолительнице; радуйся, в скорбех утешительнице.


Радуйся, благая безсребренице; радуйся, недугов всяческих безмездная врачевательнице.

Радуйся, праведная мати Матроно, теплая о нас к Богу молитвеннице.

### *Кондак 5*

Боготечная звезда возсияла еси, мати блаженная Матроно, во дни лихолетия во Отечествии нашем, яко новая исповедница, иго Христово дерзновенно и безбоязненно чрез все житие пронесла еси, и благодатиею Божиею укрепляема, подавала еси недоумевающим вразумление, страждущим ослабу, больным исцеление, благодарственно зовущим Богу: Аллилуиа.





## Икос 5

Видевше мнози Россійстии людіе чудеса́ и исцеления, Божіею благодатию от тебе́ подава́емая: хромы́м – хождѣние, разсла́бленным и на одре́ лежа́щим – исцелѣние, бесну́ющимся – духовъ злобы́ отгна́ние, устремі́шася к тебе́, ма́ти, я́ко к исто́чнику неисчерпа́емому, от него́же испі́вше обі́льно, умилѣ́нным се́рдцем возопі́ша тебе́ такова́я:

Радуйся, на путь пра́вый от младенчества призва́нная; радуйся, пра́веднице, от Бо́га нам дарова́нная.

Радуйся, целі́тельнице, недуги на́ша исцеля́ющая; радуйся, в ну́ждах на́ших ско́ро помога́ющая.

Радуйся, душеполе́зными сове́ты нас вразумля́ющая; радуйся, недоумѣ́ния на́ша ско́ро разреша́ющая.

Радуйся, ду́хи нечи́стыя от челове́к отгоня́ющая; радуйся, от вся́кого зла моли́твою твоёю огражда́ющая.

Радуйся, пра́ведная ма́ти Матро́но, тёплая о нас Бо́гу моли́твеннице.



## Кондак 6

Провозвѣстникъ свѣтости и праведности житія твоего, блаженная мати, явися святыи и праведный отецъ Иоаннъ Кронштадтскій, егда узрѣ ты во храмѣ и наименова ты свою преѣмницу таже и осмый столпъ Россіи. Все же, слышавше сие, прославиша Господа, возглашающе Ему песнь: Аллилуиа.

## Икос 6

Воссия молитвами твоими, мати Матроно, светъ благодати Божія въ сердцахъ, не вѣдущихъ Бога и грехми многими прогневливающихъ Его. Ты же, видяще чудеса, тобою совершаемая, обращахуся ко Господу, ублажающе ты сѣце:

Радуйся, подвиги твоими Бога прославляющая; радуйся, славу Божию нам являющая.

Радуйся, неверныя на путь правый наставляющая; радуйся, грехми оскверненныя молитвами твоими очищающая.

Радуйся, къ покаянію нас призывающая;



радуйся, за вся благодарити Гóспода нас  
вразумляющая.

Радуйся, храм Бóжий любити нас  
научающая; радуйся, во ограду церкóв-  
ную расточенныя óвцы собирающая.

Радуйся, праведная мáти Матрóно, тёплая  
о нас Бóгу молитвеннице.

### *Кондак 7*

Хотящи Пресвятую Владычицу нашу  
Богородицу достойно ублажить, мáти  
Матрóно, повелела еси людем написати  
всечестный образ Ея, «Взыскание погибших»  
именуемый и в храме Бóжием веси твоея  
водворити, да вси взирающе на светлый лик  
Пречистыя, со умилением восхвалят Ю,  
Гóсподу же возопиют: Аллилуиа.

### *Икос 7*

Нóвую ты заступницу, молитвенницу и  
ходатаицу к Бóгу дарова Господь в годину  
тяжкую людем Россійским, мнози бо  
отпадаху от Святыя Цérкве, ты же, мáти,



маловѣрныя и заблуждшия наставляла еси словом и делом, являющи дивная чудеса Божия. Темже воспеваем ти сице:

Радуйся, страны́ наша́я Росси́йския неусы́пная печальнице; радуйся, спасения нашего ходатаице.

Радуйся, Бо́га, Судии́ праведнаго, умилостивительнице; радуйся, недужных и обидимых покровительнице.

Радуйся, немощных и безнадѣжных помощнице; радуйся, противу духов злобы непрестанная воительнице.

Радуйся, яко трепещут тя князи бесовстии; радуйся, яко радуются о тебе ангелы и человецы.

Радуйся, праведная ма́ти Матро́но, теплая о нас к Бо́гу моли́твеннице.

### *Кондак 8*

Странно маловѣрным и неразумным бысть, како слепорожденная видети и ведети может не точно настоящая, но и будущая, не ведяху бо силы Божия, в немо-



щи челове́честей соверша́емья. Мы же, блаже́нная ма́ти, прему́дрость Бо́жию, в тебе́ явле́нную, зря́ще, вопи́ем Бо́гу: Аллилу́иа.

## Икос 8

Вся́ческия досаждéния и оби́ды, изгна́ния и укорéния претерпéла еси́, блаже́нная ма́ти, не се́тующи о сем, но за вся благодаря́щи Бо́га. Сим же и нас науча́еши терпели́во нести́ крест свой, тебе́ же благохвалíti та́ко:

Радуйся, в моли́тве непреста́нно пребы́вавшая; радуйся, духо́в злóбы постóм и моли́твою отгна́вшая.

Радуйся, мир благода́тный стяжа́вшая; радуйся, любóвию твоéю мно́гия о́крест тебе́ спаса́вшая.

Радуйся, жити́ем твои́м изря́дно лю́дем послужи́вшая; радуйся, и по кончи́не твоéй лю́дем непреста́нно помога́ющая.

Радуйся, и ны́не на́шим прошéнием тёпле внима́ющая; радуйся, упова́ющих на по́мощь твою́ не оставля́ющая.

Радуйся, пра́ведная ма́ти Матро́но, тёплая о нас к Бо́гу моли́твеннице.



## Кондак 9

Всякія скорби и болѣзни аще и претерпѣла еси, маѣи Матроно, непрестанно ведущи брань с силами тьмы, обличаючи кóзни и коварства их, и изгоняючи бѣсы от одержимых, обаче до кончины дней твоих помогала еси страждущим, недугующим и скорбящим, присно поющи Богу: Аллилуиа.

## Икос 9

Ветии многовещаннии не возмогут достойно прославити святое житие твое и чудеса, силою Божиею тобою творимая, предивная старице. Мы же, хотяще псаломски хвалити Бога во святых Его и подвижаемии сердечною любовью, дерзаем пѣти тебе таковая:

Радуйся, узкий путь и тесная врата избравшая; радуйся, добродетельми многими просиявшая.

Радуйся, вся тленная в житии твоём отвергшая; радуйся, смирением, яко венцем драгим, украшенная.



Радуйся, евангельски, яко птица небесная, на земли пожившая; радуйся, Сыну Божью, не имевшему, где главу подклонити, последовавшая.

Радуйся, ныне во обителях райских веселящаяся; радуйся, и нас, грешных, молящихся тебе, милостию твоею не оставляющая.


Радуйся, праведная матери Матроны, теплая о нас к Богу молитвеннице.

### *Кондак 10*

Спасти хотящи многия люди от страданий телесных и душевных недугов, всенощно пребывала еси, праведнице Божия, в молитве, просящи им помощи и укрепления от Господа нашего Иисуса Христа, поющи Ему: Аллилуиа.

### **Икос 10**

Стена и покров была еси во дни жития твоего, блаженная матери, всем к тебе прибегающим, и по смерти не престаеши



ходатайствовати пред Бóгом о лю́дех, с вéрою притека́ющих ко грóбу твоёмú. Темже úбо услы́ши ны́не и нас, грéшных, скорбьми́, болéзньми и мнóгими печáльми одержи́мых, и потщи́ся на по́мощь твои́ми моли́твами всем, к тебé вопию́щим:

Радуйся, оби́димых ско́рая предста́тельница; радуйся, терпе́щих лишéния утэши-тельница.

Радуйся, честна́го супру́жества охра-не́ние; радуйся, всех, во вражде́ сущих, умире́ние.

Радуйся, непра́во на суд влекóмых защи́тельница; радуйся, и о вино́вных пред судомъ земныхъ к Бóгу ми́лостивая ходатаице.

Радуйся, лиш́ившихся кро́ва приста́ница; радуйся, о всех, к тебé взывáющих, заступница.

Радуйся, пра́ведная ма́ти Матро́но, тёп-лая о нас к Бóгу моли́твеннице.





## *Кондак 11*


Пѣние ангельское слышала еси, мати честная Матроно, еще на земли живущи. Научи и нас, недостойных, како подобает славити Бога, в Троице почитаемого, Отца и Сына и Святаго Духа, Ему же непрестанно воинства небесная велегласно воспевают: Аллилуиа.

## *Икос 11*

Светозарным светом сияет житие твое, блаженная Матроно, освещая мрак многосуетного мира сего, и влечет к себе души наша: яко да и мы лучею благодати Божия озаримся и скорбный путь привременныя жизни богоугодно пройдем и Царствия Божия достигнем, идеже ты, мати, ныне вселилася еси, слышаши глас наш, тебе зовущих:

Радуйся, свеще Божия, присно горящая;  
радуйся, бисере честный, блистанием  
святыни твоея нас озаряющий.

Радуйся, цвете благовонный, Духом



Святы́м нас облагоуха́ющий; раду́йся, ка́меню ве́ры, малоду́шныя в благоче́стии утвержда́ющий.

Раду́йся, звездó пресвѣтлая, пра́вый путь нам указу́ющая; раду́йся, до́брая воительнице Христо́ва, мечѣм моли́твы дѣмонскія полки́ устраша́ющая.

Раду́йся, я́ко все жити́е твоѣ свято́ и непоро́чно; раду́йся, я́ко и смерть тво́я пред Го́сподем честна́.

Раду́йся, пра́ведная ма́ти Матро́но, те́плая о нас к Бо́гу моли́твеннице.

### *Кондак 12*

Благода́ть Бо́жию оби́льно ещѣ́ от пелѣн восприя́ла еси́, ма́ти блаже́нная, я́же вы́ну пребы́сть с тобо́ю по вся дни жи́зни. Ве́руем несумне́нно, я́ко и по успѣнии твоѣ́м благода́ть сия́ пребога́тно пребыва́ет с тобо́ю. Сего́ ра́ди припада́юще мо́лимся: не лиш́и и нас, ещѣ́ странствующи́х на земли́, по́мощи твое́я и заступле́ния, прося́щи Го́спода поми́ловати всех, пою́щих Ему́: Аллилу́иа.



## Икос 12

Поюще мно́гая и дѣвнѣя твоѣ чудеса́, ма́ти Ма́троно, восхваля́ем Бо́га, дарова́вшаго гра́ду Москвѣ и Оте́честву на́шему во дни безбо́жия и гоне́ния тя, непоколеби́мый столп благоче́стия и ве́ры. Ны́не же, блаже́нная ма́ти, благода́рным се́рдцем воспева́ем тебѣ си́це:

Радуйся, мир Христо́в в ду́ше твоѣй стяжа́вшая; радуйся, сего́ ра́ди мно́гая лю́ди о́крест тебѣ к Бо́гу привѣдшая.

Радуйся, в немо́щном теле́ су́щи, си́лу Бо́жия благода́ти показавшая; радуйся, во о́бретении че́стных мо́щей твои́х Бо́жию ми́лость нам явѣвшая.

Радуйся, со́нма святы́х Моско́вских изря́дное процветѣние; радуйся, гра́да Москвѣ пресла́вное украше́ние.

Радуйся, Оте́чества на́шего прѣсна́я пред Бо́гом печа́льнице; радуйся, к пока́йнию и моли́тве о землі́ Росси́стей всех призыва́ющая.

Радуйся, пра́ведная ма́ти Ма́троно, те́плая о нас к Бо́гу моли́твеннице.



### *Кондак 13*

О блаже́нная ма́ти, услы́ши ны́не воспе́ваемое тебе́ хвале́бное пѣ́ние и испроси́ нам у Го́спода Иису́са Христа́ грехо́в оставле́ние, христиа́нския ми́рныя кончины и до́браго отве́та на стра́шном суди́щи Его́, да и мы с тобо́ю сподо́бимся в селе́ниих ра́йских сла́вити Святу́ю Тро́ицу, вопи́юще: Аллилу́иа.

*(Этот кондак читается трижды).*

### **Икос 1**

Ангел во плóти яви́лася еси́ на земли́, Матро́но блаже́нная, исполня́ющи во́лю Бо́жию. Аще рождество́ твоё в слепоте́ телесней бысть, но Господь, умудря́яй слепцы́ и любя́яй пра́ведныя, просвети́ духо́внеи о́чи твои́, да послужи́ши лю́дем и дела́ Бо́жия явятся чрез тебе́. Мы же с любóвию вопи́ем ти тако́вая:

Радуйся, от младе́нчества Бо́гом избра́нная; радуйся, благода́тию Ду́ха Свята́го от пелён осенённая.



Радуйся, даром чудес измлада обогащенная; радуйся, премудростию от Бога свыше исполненная.

Радуйся, мысленными очима волю Божию прозирающая; радуйся, слепотствующим умом мудрецов века сего посрамляющая.

Радуйся, души заблуждшия к Богу приводящая; радуйся, скорби и печали утворяющая.

Радуйся, праведная мати Матроно, теплая о нас Богу молитвеннице.

### *Кондак 1*

Избранная Духом Божиим от пелен младенческих, блаженная старице Матроно, слепоту и немощь телесную ко очищению духовному от Бога приявшая, даром прозрения и чудес обогатилася еси и венцем нетленным от Господа украсилася еси. Сего ради и мы благодарне венец похвальный приносим ти, вопиюще:



Ра́дуйся, пра́ведная ма́ти Матро́но,  
те́плая о нас к Бо́гу моли́твеннице.

## МОЛИТВА


О блаже́нная ма́ти Матро́но, душе́ю на небеси́ пред Престо́лом Бо́жиим предстоя́щи, те́лом же на земли́ почи́ваючи, и да́нною ти свы́ше благода́тию разли́чныя чудеса́ источа́ющи. При́зри ны́не ми́лостивным твои́м о́ком на ны́, грешны́я, вско́рбех, боле́зних и грехо́вных искуше́ниях дни́ своя́ иждива́ющия, утэ́ши ны, отча́яанны́я, исцели́ недуги́ на́ши лю́тыя, от Бо́га нам по грехо́м на́шим попуща́емая, изба́ви нас от мно́гих бед и обстоя́ний, умоли́ Го́спода на́шего Иису́са Христа́ прости́ти нам вся́ на́ша согреше́ния, беззако́ния и грехопаде́ния, и́миже мы́ от ю́ности на́шея да́же до настоя́щего дне́ и часа́ согреша́хом, да твои́ми моли́твами получи́вше благода́ть и ве́лию ми́лость, просла́вим в Тро́ице Еди́наго Бо́га, Отца́ и Сы́на и Свята́го



Ду́ха, ны́не и прѣсно и во ве́ки веко́в.  
Ами́нь.

## ВЕЛИЧАНИЕ

Величаем ты, святая праведная старице Матроно, и чтим святую память твою, ты бо молиши о нас Христа Бога нашего.



## Тропарь, глас 2

Богом умудренную блаженную старицу  
Матрону, земли Тульския процветение  
и града Москвы преславное украшение,  
восхваляем днесь, вернии. Бия бо,  
света дневнаго не познавши, светом  
Христовым просветися и даром  
прозрения и исцеления обогатися.  
Пресельница же и странница на земли  
бывши, ныне в чертозах Небесных  
Престолу Божию предстоит и молится  
о душах наших.